

891.99

2-85



14 FEB 20



1882—XXX—1912

ՅՈՐԵԼԵՆԱԿԱՆ ՀՐԱՏԱՐԱԿՈՒԹԻՒՆ

ՅՈՂՀԱՆՆԵՍ ԵՄՍՅԱՆԻ

ԲԱՆԱՍՏԵՂԾՈՒԹԻՒՆՆԵՐ

276



ՎԱՂԱՐՇԱԳԱՏ

ՏԳԱՐԱՆ ՄԱՅՐ ԱԹՈՐՈՑ ՍՐԲՈՑ ԷԶԵՐԱՍՆԻ

1912




50





Միայն այն կ'ապրի, որ միտ է անմահ—  
 Սուրբ զեղեցիւթիւն եւ սուրբ զաղափար,  
 Վե՛հ միտքը ազօտ կենդանի կը մնայ  
 Ու սէրն անձնագոն՝ խեղճ եղբոր համար...





47060. 67

## ԵՐԿՈՒ ԽՕՍՓ

Վաղարշապատում են ծնունդ աչղ Նիրանի և Շիրին և մեր բանաստեղծ քնարերգու Յ. Յովհաննիսեանը:

Յովհաննիսեանը ծնունդ է 26-ն ապրիլի 1864 ամի: Հայրը բնական խելքի տէր և ուսումնասէր լինելով՝ չատ աշխատում էր որդու կրթութեան համար. բայց բաւարար նիւթական միջոց չունենալով՝ յաջողեցնում է Յովհաննէսին ընդունել տալ Լազարեան ձեմարան Լազարեանց հաշուով ուսում ստանալու: Այնուհետեւ հայրը, որ Յովհաննէսին գրել կարգալ էր սովորեցրել, նորան տուաւ ծխական դպրոց, որտեղից յետոյ տուաւ հանգուցեալ Վահան վարդապետ Բաստամեանի նորարաց դպրոցը Ս. Փայիանէի վանքում, ուր մի տարի սովորելուց յետոյ նա ընդունուեց Երևանի պետական պրոգիմնադիան: Այստեղ Յ-ը սովորեց մինչև 1877 թուականի սեպտեմբերի վերջերը, երբ կանչուեցաւ Մոսկուա:

Լազարեան ձեմարանում Յովհաննէսը մտաւ Գ. դասարանը և յաջողութեամբ արժաթեայ մեդալով աւարտեց 1883 թուին: Նոյն տարին մտաւ Մոսկուայի համալսարանի պատմա-լեզուագիտական բաժանմունքը, որ աւարտեց 1888-ին:

Համալսարանն աւարտելուց յետոյ հանգուցեալ Նահապետ եպիսկոպոսից հրաւիրուեց Ս. Էջմիածնի Գէորգեան ձեմարանի Ռուսաց լեզուի ու գրականութեան և ընդհանուր գրականութեան ուսուցիչ, ուր մնաց մինչև 1909/10 ձեմարանական տարին: Սակայն այս ժամանակա-



միջոցին նա ընդհատելով ձեռնարանում իւր ուսուցչական-գործունէութիւնը շարունակել է Թիֆլիսի Ներսիսեան դպրանոցում 1891/92—1895/96 և Յովնանեան-Մարիամեան օրիորդաց դպրոցում իւրեւանում 1900/01, նա 1906 թուականին ընդունում է Սինոդի ատենադպրի պաշտօնը ևս, որ շարունակում է ցարդ կատարել:

Յ. Յովնանիսեանը վաղ է սկսել իւր գրական գործունէութիւնը, դեռ երբ Լազարեան ձեռնարանի Գ. դասարանի աշակերտ էր: Այստեղ սկսելով նորա վերայ շատ ազդել է իւր ուսուցիչ բանաստեղծ Ս. Շահազիզեանը: Նուազում գրում էր նա 1880 թուականից բայց գրածները սովորութիւն չունէր ընկերներին ցոյց տալու: Սակայն երբ ձեռնարանի բարձր դասարաններում «Յոյս» անունով մի թերթ սկսեց հրատարակուել, նա հանգէս եկաւ այդտեղ: Առանձնապէս շատ գրում էր իւր ուսանողական տարիներում, երբ մի խումբ ընկերներ նորանից ծածուկ հոգալով դիմակաւ միջոց՝ ստիպեցին նորան թոյլ տալ իւր բանաստեղծութիւնները հրատարակելու: ճիշտ 25 տարի առաջ, 1887 թուին, Մոսկուայում լոյս տեսաւ նորա ոտանաւորների ա. ժողովածուն, որ մամուլը գովիստով և հասարակութիւնը ոգևորութեամբ ողջունեց:

Երկրորդ անգամ նորա բանաստեղծութեանց ժողովածուն լոյս տեսաւ Բագուի Հայոց Կուսակալական միութեան ջանքերով 1908-ին Վաղարշապատում:

Այս վերջին հրատարակութեան, ինչպէս և առաջին ժողովածուի մէջ սակայն չեն մտել նորա բոլոր ոտանաւորները այլևայլ պատճառներով: Առաջին ժողովածուից գրաքննչի հանած ոտանաւորները տարագրուեցան Մարտիկում Մ. Փորթուգալեանի խմբագրութեամբ հրատար-

րակուող «Արմենիա» լրագրում: Ռուսաստանում նա տպագրում էր իւր երկերը Մ. Բարխուդարեանի խմբագրութեամբ լոյս տեսած «Պատմական-գրական», Տ. Նազարեանի «Աղբիւր և Տարազ», «Արարատ» (1895—1897), «Լուսայ» և այլ հանդէսներում և «Արձագանգ» օրաթերթում (1891—1894), որի գլխաւոր աշխատակիցներից մինն էր:

Ինչպէս առհասարակ համարեա բոլոր բանաստեղծները, այնպէս էլ Յ. Յովնանիսեանը սկսելով եղել է ուրիշների ազդեցութեան տակ: Այսպէս նորա վրայ ազդել են հայ և Եւրոպական բանաստեղծներից Ս. Շահազիզեան, Ռ. Պատկանեան, Պուշկին, Լերմոնտով, Նադսոն, Բայրոն և Հայնէ: Սակայն Յ. Յովնանիսեանը շատ շուտով ազատուելով դոցանից ինքնուրոյն է դառնում: Պատանեկան հասակում, ինչպէս բնական է, սկսում է սիրային երգեր գրել, բայց շուտով նորա զգայուն սրտի վրայ ծանրանում է հայրենիքի վիշտը, որով նա դառնում է «սիրոյ և վշտի երգիչ»:

Յովնանիսեանը իւր գրութեանը իսկական ոճաբան է և առաջինը մեր նոր գրականութեան բանաստեղծներից, որ ժողովրդական տարրը մտցրեց մեր բանաստեղծութեան մէջ. ուստի և զարմանալի չէ, որ նորա ոտանաւորներից «Արազն եկաւ», «Ալազեազ բարձր սաբին», «Ա՛յս տուէք ինձ մի քաղցր քուն» և այլն ընդարձակ ժողովրդականութիւն են ստացել և երգւում են:

Յ. Յովնանիսեանի տպագրուած առաջին ոտանաւորը Գէօթէի «Չկնորս» թարգմանութիւնն է, իսկ առաջին գրուածն է «Տեսե՛լ ես արդեօք այն բլուրները» 1880 թուին, որ տպագրուած է առաջին ժողովածուի մէջ:

Յորեկեանական Յանձնաժողովս յարմար համարեց



Յովհաննիսեանի բանաստեղծութիւններէց տալ մի հատ-  
ընտիր աժանագին ժողովածու, որ ժողովրդի ստորին  
խաւերում տարածուին շնորհալի և քանքարաւոր բա-  
նաստեղծի երկերը նորա երեսնամեակին:

10 Ապրիլի 1912

Ա. Էջմիածին:

## Ա Շ Ո Ւ Ղ

Ասի՛ աշուղ, առ չունգուրըդ, մեզ բան ասան  
սրտալի:

Կարօտ ենք քու անուշ ձէնին, մի բան ասան  
սրտալի:

Սրտի խօսք ենք ուզում քեզնից, որ վեր հանի  
մեր հոգին —

Ա՛ռ չունգուրըդ, դարդոտ աշուղ, մեզ բան ասան  
սրտալի:

Գիտենք, որ դու միշտ տանջուում ես հազար ու  
մի ցաւերով,

Հայրենիքիդ խոր խոցերը համարում ես դարերով.  
Ձեռ լուանայ էդ խոցերը արտասուանքի ծովերով...

Ա՛ռ չունգուրըդ, ցաւոտ աշուղ, մեզ բան ասան  
վշտալի:



Լուռ մընալով մեր վերքերին դու չես անի դեղ  
դարման.  
Արար-աշխարհք գիտի՝ չըկայ մեր դարդերին չափ,  
սահման.  
Մնջութիւնն էլ նըշան հօ չի՞ մի գովելի յատ-  
կութեան—  
Ա՛ռ չունգուրըդ, մեզ բան ասա, թող խօսքդ ընի  
ցաւալի:  
Էդպէս խօսքեր շատ ենք լսել, էլ կըլսենք ան-  
տըրտունջ,  
Մեր չըխօսկան ընելուցն է՝ մընացել ենք ան-  
տէրունջ.  
Լաւ է ազատ լաց ընիլը, քանց դարդ տանին  
անմոռնչ,  
Ասա՛ լսենք, ի՞նչ անենք, որ խօսքըդ կ'ընի ող-  
բալի:  
Տեսնում ես, որ մենք թմրած ենք, քունն անուշ  
է մեզ թըւում.  
Է՞ր ես դու էլ մեզ բոլորիս մաշող քընիցն յաղ-  
թըւում.  
Ա՛ռ չունգուրըդ, տո՛ւր լարերին, կըրահ վառի  
մեր սրտում,  
Մեզ ամէնիս նոր շունչ տուող մի բան ասա  
սրտալի:

Մ — ին

Կ'ուզէի լինել կարկաշուն վտակ,  
Վճիտ ալիքը դրախտի բուրմունքով,  
Եւ առաւօտեանն, ինչպէս ցօղ յատակ,  
Երեսդ ոռոգել դահար շիթերով:  
Կ'ուզէի լինել սօսի հովասուն,  
Համարձակ փռուած կանաչ սաղարթով,  
Եւ միջօրէին այդ դէմքիդ սիրուն  
Հովանի լինել հեղիկ շրշիւնով:  
Կ'ուզէի լինել ծաղկոցում բացուած  
Քաղցրաբոյր մի՛ վարդ, երկնից արժանի,  
Եւ սիրոյ ժամին, խանդիցս արբած,  
Զարդարանք լինել կուրծքիդ գեղանի:  
Եւ շող դառնալով զարնան արևի՝  
Կ'ուզէի պայծառ աչերումդ վառուել,  
Կամ ինչպէս քնքուշ ոսկեվառ գօտի  
Զքնաղ իրանիդ փաթաթուել, փարել:



Լուսափայլ աստղիկ կ'ուզէի դառնալ,  
Քաղցր մանկան ակէս ծիծաղն երեսին,  
Ինչպէս աղամանդ շողշողել, ցոլալ,  
Ո՛վ իմ թագունի, քո բաց ճակատին:

Կ'ուզէի լինել լուսին ամօթխած,  
Արծաթի փայլով մազերըդ շոյել,  
Այտերըդ գգուել, սիրուց բորբոքուած,  
Դողդոջ շրթունքիդ համբոյրներդ շրջմել:  
Կ'ուզէի լինել սիրահար սոխակ  
Եւ ձեռիդ գերի, վանդակում փակուած,  
Ականջիդ հնչել հրաշալի նրագ,  
Մեղմ օրօր ասել քո հոգուն զմայլուած:  
Եւ կախարդական տաճարում կանգնած  
Կ'ուզէի տեսնել ես քեզ Անահիտ,  
Եւ երկրպագել, առաջիդ չոքած,  
Սուրբ գեղեցկութեան անմահ տիպարիդ:



\*  
\* \*

Որպէս յաղթանդամ մի ծերուկ հսկայ  
Կախուած է ժայռը ջրերի վրայ.  
Ալիքը կայտառ գնում են զալիս  
Եւ ժայռին սիրոյ համբոյր են տալիս:  
Խաղում են անհոգ ալիքը գետի,  
Յուցնում են գրկած պատկերն արևի,  
Եւ, որպէս մանուկ ժպիտն երեսին,  
Մեղմիկ շշուշով խօսում են ժայռին:

«Լսի՛ր, ծերունի, ինչո՞ւ ճակատիդ  
Սև կնճիռները չեն ապրիս զէմքիդ  
Մի օր խնդութեան շողով ցոլանալ—  
Ողջը փոխուում է, դու նոյնն ես դարձեալ:  
«Ազատ լեռների ազատ զաւակներ,  
Մենք քեզ բերել ենք անթիւ գոհարներ.  
Երկնքի դստեր.— վարդի լեռնասուն  
Կը ցօղենք կուրծքիդ անուշհոտութիւն:



«Մենք երանաւէտ քնքուշ նուագով  
կը կոչենք խորքից ձկներն երամով  
եւ սակեզօծուած դարնան արեւից  
Բեզ մեր զուարթ պարին կ'անենք խնդակից:

«Եւ քո ականջին միշտ սիրոյ երգեր  
Մենք արշուլուսից կ'ստենք մինչ տաղեր,  
եւ քեզ կը փարենք և քո ծեր կուրծքին  
Մենք հանգչել կը տանք մեր քաղցրը կրքին ...»

Ալիքը կայտառ զնում են գալիս,  
Սև ժայռը նախկին իւր վիշտն է լալիս...  
Խաղում են ալիք, ուրախ կարկաջում—  
Նա կրկին անշարժ, նա կրկին արաւում...



Ախ, տուէք ինձ քաղցր մի քուն,  
Կեանքից հեռու սրլանամ,  
Այն աշխարհը, ուր խնդութիւն,  
Ուր սէրն է միշտ անթառամ:

Քնքուշ վարդերն ինձ բարձ լինին,  
Վառ կանաչից իմ վերմակ:  
Նոցա բոյրը զըւարթագին  
Ծծեմ անվերջ ես անյադ:


Եւ խայտալով իմ առաջին  
Վտակն անուշ խոխոջէ,  
Մի թարմութիւն եղեմային  
Չորս բոլորքս տարածէ:

Եւ ինձ ժպտի արշալուսին  
Գարնան մատաղ արեգակ,  
Եւ գիշերով իմ ճակատին  
Խաղայ գողարիկ վառ լուսնակ:



Եւ աչագեղ կոյսն ահանջիս  
Իւր մեղեդին մեղմ հնչէ,  
Եւ հերարձակ՝ սիրով վըզիս  
Փարէ քնքուշ փաղաքշէ . . .

Եւ յաւիտեան վայելչութիւն  
Գրկէ հոգիս, չյագենամ . . .  
Ա՛խ, տուէք ինձ քաղցր մի քուն,  
Հեռու, հեռու սրլանամ:



Գեղեցիկ օրեր, ծաղկավառ օրեր,  
Իմ ցնորամիտ պատանեկութեան,  
Գիտեմ, որ շուտով չարագոյժ ամպեր  
Կը պատեն երկինքն իմ սիրուն դարնան.  
Գիտեմ՝ որ արեւն, որ հիմա պայծառ  
Ծիծաղում է ինձ, պատիւը յոյսերով  
Լոկ խոստանում է իմ կեանքի համար  
Ծաղիկ բուսցընել ոսկէ շողերով:  
Եւ այն բոլորը, ինչ ինքնահաւան  
Ստեղծում է միաբլուս վառուած բորբոքուած,  
Զբքանալու է շուտ ծուխի նրման.  
Եւ այն պատկերը սիրած փայփայած,  
Որ մխիթարն է ամայի կեանքիս,  
Գիտեմ՝ պիտ ցնդի, ինչպէս մի երազ  
Յուզուած ուղեղի, որ ցոյց է տալիս  
Երբեմն անբաղդին մի վիճակ անհաս:



Բայց դարձեալ քաղցր էք, գեղեցիկ օրեր,  
Ընտանի սրտիս . . . Ո՞վ գիտէ, յետոյ  
Իմ տանջուած հոգին ինչ նոր նոր ցաւեր  
Դեռ պիտի տեսնէ. ծաղիկը սիրոյ,  
Որ հիմայ թօշնած մի հիւանդ ժպտով  
Դեռ նայում է ինձ, արդեօք բընաւին  
Պիտի չըմեննի՞ . . . գուցէ և շուտով  
Լուռ փոթորիկը ճայթի իմ գլխին:

Լուզորդի նրման ես ծովն եմ ընկնում—  
Արդեօք միւս ափն ինձ պիտի հանէն  
Գոռ ալիքները . . . զինուորը կռուում  
Գիտէ՞ իրանցից ո՞յք պիտի ապրեն . . .  
Գոնէ դեռ շքեղ երազներ հիմա  
Ազնիւ վայելքի բերում են ժամեր.  
Ա՛խ, օրհնեալ լինիք, ձեզ չեմ մոռանայ,  
Գեղեցիկ օրեր, ծաղկավառ օրեր:

Հ Ա Տ Ի Կ

Լոյսը բացուում է. շուտ արտը գընամ,  
Պատուեմ սուր խոփով ես կուրծքը հողի.  
Իմ սիրուն հատիկ, քեզ նորան պահ տամ  
Մինչև օրերը ամբան արևի:

Թաղեմ քեզ, հատիկ, և դարդըս քեզ հետ.  
Թէ Աստուած ուզեց, դու կանաչեցիր,  
Թող դարդըս մեռնի գետնի տակ անհետ,  
Դու ինձ մխիթար կրկին տուն դարձիր:

Եւ ջերմ աղօթքով Տիրամօր առջև  
Ես մոմ կը վառեմ, ես խունկ կը ծլխեմ,  
Որ քեզ պարգևէ մի առատ անձրև,  
Որ քեզ միշտ սիրով նայէ խնդաղէմ:

Բայց թէ այդ շնորհին մեղքերիս համար  
Արժանի չլինիմ, ծով կը դարձնեմ  
Ես տաք քրտինքը ճակտիս տրեւոյ,  
Որ քեզ, իմ հատիկ, ծարաւ չթողնեմ:



Ծըլիւր, կանաչիւր, ոսկէ սաւանով  
Ծածկիւր իմ արտը ողջ ակէծածան,  
Նոր այն ժամանակ անուշ շրջիւնով  
Տնւր շարդուած սրտիս մի քուն հանգստեան:



Ամենայն անգամ, երբ թեթևամիտ  
Դիպչում է մուսաս սրտիս լարերին,  
Քնքուշ մատներով խրլում է ժրպիտ  
Եւ դընում թախիձն իմ անհոգ ճակտին,—  
Անցած պատկերներ խուռն երամով  
Լցուում են սիրտըս, զարթնում է հոգիս,  
Եւ միտքս հեռու թռչում է սիրով  
Նազելի աշխարհն մանուկ օրերիս:  
Եւ կամենում եմ սէր երգել միայն  
Եւ քաղցրութիւնը մաքուր հասակի,  
Անուշ ժամերը անամպ խնդութեան,  
Կենդանի հրճուանք կուսական սրտի:  
Բայց միշտ ակամայ լարերը բեկբեկ  
Տխուր են հնչում օրհներգը սիրոյ,  
Էլ չէ երևում ինձ սէրը երբեք  
Իբրև վառ զեղմունք երջանիկ հոգւոյ:



Եւ միշտ լսուում է մի ձայն լարերից,  
Որպէս հառաչանք պաղատող սրտի,  
Էլ չէ հեռանում նա իմ ականջից,  
Այդ ձայնն անմեկին մի խորին վշտի.  
«Այնտեղ, ուր արցունք, շղթայ և աւեր,  
Ուր լսուում է լոկ հառաչք լալագին,  
Քո քրնարիցը թող ուրախ ձայներ,  
Ո՛վ թշուառ երգիչ, բնաւ չըլսուին» . . .

ԱՐՏԱԻԱԶԴ

Զարկեցէք, դարբիններ, կըռանը սալին,  
Զարկեցէք կըռանը—շղթայքն ամրանան,  
Սնիծեալ արքայի կապանքն ամրանան.  
Զարկեցէք, դարբիններ, կըռանը սալին:  
Ահարկու ամպերը եկան ժողուեցան,  
Ծեր Մասեաց ճակատին սև քօղ փաթթեցին,  
Գոռում է փոթորիկ զազանի նրման,  
Հառաչում, սուլում է կատաղած քամին:  
Զարկեցէք կըռանը, խորունկ քարայրից  
Ահա չար հողմի հետ հասնում են ձայներ...  
Յորացաւ փայլակը—արքայի աչքից  
Դէպի վեր թռչում են բարկութեան կայծեր:  
Կամի նա ելանել վրէժխնդիր հողով  
Իւր անլերջ տանջանքի թոյնը մահաբեր  
Աշխարհի չորս կողմը շաղ տալու մտքով,  
Բայց ամուր են նորա ծանրը շղթաներ:



Մտերիմ գամփուները կրծում են կապանք,  
կրծում են անդադար կապանքն արքայի . . .  
Արտաւանգդ, վերջ չունի հոգուդ տառապանք,  
եւ դեռ շատ հեռու է, վախճանն աշխարհի:


Եւ անդօր չարութեան քո կուռ հարուածներ  
Դեռ պիտի փշրուին մեր մուրճի տակին—  
Մենք սպասում ենք դեռ ևս գեղեցիկ օրեր,  
Դեռ հաշտ է երկինքը մեղսոտ աշխարհին:

Բայց եթէ քարացած՝ մենք չենք լսելու  
Նոր կեանքի կոչն հուժկու, և վերածնութեան  
Սրբարար աւազան մեղ չէ փրկելու,—  
Արտաւանգդ, փշրուի թող մեր կուռ կրօնն:

Մենք էլ չենք զարկելու երկաթի սալին,  
Թող կրծեն գամփուներդ ոտքիդ շղթաներ,  
Արձակուին բազուկներդ, և դու աշխարհին  
Դուռս արի բերելու կոտորած, աւեր . . .

Բայց ոչ. հաւատում ենք դեռ մենք փրկութեան,  
Մեզ մի նոր երկնքից նոր լոյս կը բացուի,  
Եւ տեսնում ենք ահա արդէն ծիածան  
Մենք ազատ, լուծաւոր մի նոր վիճակի . . .

Զարկեցէք, դարբիններ, կրօնը սալին,  
Զարկեցէք կրօնը— շղթայքն ամրանան,  
Անիծեալ արքայի կապանքն ամրանան.  
Զարկեցէք, դարբիններ, կրօնը սալին:






\*  
\* \*

Հրաշալի գիշեր... խաղաղ քուն մտած  
Հանգչում է բնութիւն քնքուշ երազով,  
Պայծառ երկնքում լուսինը վառուած  
Նայում է երկրին սիրահար աչքով:

Այսպիսի գիշեր այրուած սոխակին  
Իւր բոյրն անուշիկ վարդն է պարգևում,  
Այսպիսի գիշեր մատաղհաս երգչին  
Առաջին սիրոյ շունչն է խռովում...

Եւ սիրտս մանուկ մի այսպէս գիշեր  
Ես զոհ բերեցի նենգաւոր կուսին,  
Էլ այնուհետեւ անցան տարիներ,  
Հանգիստ չտեսաւ իմ տանջուած հոգին:


Եւ հիմա մուսաս այսպիսի գիշեր  
Երևում է ինձ փուշ պսակ գլխին,  
Եւ երգում եմ ես քո կուռ շղթաներ,  
Ստրուկ հայրենիք, իմ մայր տխրագին...



\*  
\* \*

Թէպէտ խեղդուած եմ ես դաժան վշտից  
Եւ սիրտս մաշուած անմիտ յոյսերով,  
Թէպէտ մինչ այսօր խաբուած եմ կեանքից,  
Կարօտ տեսնելու մի անկեղծ գորով,  
Թէպէտ դառնութեամբ հոգիս է լցուած  
Եւ զանգատուում եմ չար բախտիս վերայ,  
Որ այս աշխարհում ես միշտ հալածուած՝  
Եւ ոչ մի սփոփանք ինձ համար չկայ,—

Բայց դու մի յիշիր իմ դառն վիճակ,  
Խաբիր ինձ դարձեալ շքեղ ցնորքով,  
Թէ դեռ ինձ համար զարնան արեգակ  
Կը ցոլայ պայծառ, զոհար պսակով,  
Թէ արծաթափայլ ամօթխած լուսին  
Գողարիկ հայեացքով դեռ ինձ կը ժպտի,  
Թէ ծով-ծով աչերն աննման կուսին  
Սիրտս անուշ տենչով դեռ յուզեն պիտի...





\*  
\* \*

Արագն էկաւ լափին տալով,  
Ժէռ քարերին, ափին տալով.  
Ո՞րտեղ թաղեմ ես իմ դարդը,  
Զոր գլուխս տափին տալով:


Այ իմ Արագ, ջուրըդ վարար,  
Սիրուն եարիս եարաբ տեսմը.  
Ես չըհասայ իմ մուրազին,—  
Արագ, եարաբ կարօտս առմը:

Ամպերն ընկան Մասիս սարին,  
Կարօտ մնացի ես իմ եարին.  
Աստօծ սիրես, էրուած սրտիս  
Ջուղաբ բերես էկող տարին:

Գիշերն անքուն գիր կըգրեմ,  
Արտասունքս գետ կըշինեմ.  
Արագ, ծէզը ջրիդ չառած՝  
Իմ սև դարդը քեզ կըբերեմ:

Կ'ասես՝ շողքը քարին ընկաւ,  
Կըրակըն իմ սրտին ընկաւ.  
Կամար ունքից, թուխ աչքիցը  
Ցաւն իմ ջիւան ջանին ընկաւ:

Արագն էկաւ լափին տալով,  
Ժէռ քարերին, ափին տալով,  
Ո՞րտեղ թաղեմ ես իմ դարդը,  
Զոր գլուխս տափին տալով...





\*  
\* \*

Ճեմում էի բուրաստանում,  
Առաւօտ էր մայիսեան, —  
Խնդում էի, զուարճանում,  
Ուրախակից բնութեան:

Անհոգ խաղով ես մօտեցայ  
Քնքուշ բացուած ալ վարդին,  
Անուշ հոտից չկշտացայ,  
Զմայլեցայ ալ վարդին:

Մէկ էլ տեսայ՝ մատաղ կուրծքին  
Զազիր որդն էր բուն դրել.—  
Վայ նազելի իմ ալ վարդին,  
Կեանքի թելն էր կտրուել:

❖❖❖

\*  
\* \*

Դարեր եկան, դարեր անցան, էջմիածին,  
Քո հիմն անշարժ ու անսասան, էջմիածին.  
Ձեռն ձեռակերտ դու մարդկեղէն ու առօրեայ,  
Դու շողակաթ լուսոյ խորան, էջմիածին:

Խաւարի մէջ դու վառուեցար որպէս կանթեղ,  
Վառ պահեցիր մեր սրտերում կայծն երկնային.  
Անփառունակ ստրուկ երկրի դու լուսազեղ  
Անշէջ փարոս ազատութեան, էջմիածին:

Ցրուած հօտի դու ժողովող անքնոյթ փարախ,  
Հաստատ լինի թող մեզ վերայ քո հովանին.  
Գլխիդ գործի սուրբ օրհնութեամբ ծաղկիր խաղաղ,  
Փառք, ապաւէն մեր աննրման, էջմիածին:

❖❖❖



\*  
\* \*

Հեղիկ կարկաչով վազում են ալիք,  
Փարում, փայփայում ափերը կանաչ.  
Ջրերի վերայ կախուած ուռնիք  
Նոցա հետ խօսում են լալահառաչ:

«Մի վազէք, ալիք, կացէք, կոհակներ.  
Մի թողնէք չքնաղ այս վայրն հանգստեան  
Եւ վայելեցէք քաղցրութեան ժամեր,  
Մինչ ժպտում է ձեզ շողն արեգական:

«Ա՛խ, դուք չէք տեսնում, կ'անցնէք այս  
բուր—

Եւ կը պղտորի ձեր ջուրը վճիտ.  
Այնտեղ այլ երկիր, այլ ափեր տխուր,  
Այնտեղ կը գրկէ ձեզ արեան հովիտ:

«Այնտեղ հողն արիւն, արիւն են սարեր,  
Ջինջ աղբիւրներն էլ կտրել են արիւն.  
Վտակը քերում արիւնոտ քարեր,  
Թառամեցնում է ծաղկավառ գարուն:

«Դողում է երկինք սրի շաշիւնից,  
Մթնեւ են ոսկի արեւի շողեր.  
Ո՛հ, մի հեռանայ, սիրուն գետ, մեզնից,  
Մի վազէք, ալիք, կացէք, կոհակներ»...

Բայց... մռայլեցաւ երեսը գետին.  
«Իմ քոյր, երբայրն են այն ակն ու վտակ» —  
Գոչեց, զարկուեցաւ սարսաժ ափերին  
Ու յառաջ անցաւ կոհակ առ կոհակ:



Մ Ա Յ Ր Ս

Հոգեմաշ ցաւով ամենայն գիշեր  
Ես քուն եմ մտնում արտասուքն աչքիս,  
Եւ խուռն երամով տանջող պատկերներ  
Շուտ պաշարում են տառապեալ հոգիս...

Մենակ ապրեցայ, կարօտ գգուանքի,  
Փորձով ես ուսայ խորհուրդը կեանքի,  
Օրըս սեացաւ այրող կրքերից,  
Չըզըտայ երբեք մի սիրտ կարեկից:

Եւ քուն եմ մտնում ամենայն գիշեր  
Արտասուքն աչքիս, հոգեմաշ ցաւով—  
Հանգիստ չեն տալիս սե սե պատկերներ,  
Որ պաշարում են ինձ խուռն երամով...

Եւ ահա դու ես, որ ինձ այդ պահուն  
Երևում ես, մայր, պսակով զարդարուն.  
Դու գրկում ես ինձ սիրով կաթոգին,  
Գոչում ես՝ «որդի՛» ձայնով անմեկին:

Եւ տեսնում եմ ես քո փշեայ պըսակ,  
Խոցերով ծածկուած քո սիրուն ճակատ,  
Եւ մի թափանցիկ նուրբ շղարշի տակ՝  
Կուրծքիցդ հոսող արիւնը կաթ-կաթ:

Աչքդ աղերսալիւր տեսնում եմ վերաս:  
Կանչում եմ քեզ «մայր» ես ձայնով նըւադ,  
Եւ կրկին ելնում անքուն, վշտահար—  
Ա՛խ, մայր, ի՛նչ անէ որդիդ քեզ համար...



\*  
\* \*

Եւ եկաւ դարուն, և անցաւ ամառ,  
Բայց ես չտեսայ մի պայծառ արեւ,  
Եւ կարկաշատս վտակը կայտառ  
Լոկ արեան շիթեր ցայտեց իմ առջև:

Եւ եկաւ թռչունն իմ հայրենի տան—  
Լալաճայն ողջոյն առայ նորանից.  
Ա՛խ, ողբով եկար, կռնակ սիրական,  
Եւ անջատուեցար ողբով ինձանից:

Թօշնեցան ծաղկունքն իմ անոյշ երկրի,  
Սառոյցը կապեց արիւնոտ վտակ.  
Էլ պիտի ծաղկի՞ կուրծքը սարերի,  
Սրգեօք կը տեսնեմ աղբիւրներն յատակ...

Երանի մէկ էլ աչքս բանայի,  
Եւ դու, իմ շէն տուն, այժմ գերեզման,  
Աւետաբերիդ ես ընդունէի,  
Լսէի օրհներգ քո վերածնութեան:



## Ս Ա Ր Ն Ի Վ Ե Ր

Դէպի վեր, դէպի վեր... Անվերջ է ուղիս,  
Յոգնեցան բազուկներս՝ այս կռուումն անդօր,  
Սպառեցաւ և վերջին ոյժն էլ ծնկներին—  
Դէպի վեր, սարն ի վեր, քաջասիրտ զինուոր:

\*  
\* \*


Աւելի կարծրանան թող այս սև ժայռեր,  
Աւելի թող սպառնայ անդունդն անաւոր,  
Դեռ շունչ կայ բերանումս, շարժուում եմ  
ձեռքեր—

Դէպի վեր, սարն ի վեր, ո՞վ արի զինուոր:

\*  
\* \*

Դեռ հեռու է կատարն անամպ ու յատակ,  
Բայց եթէ չհասնենք այնտեղ մենք այսօր,  
Վաղն այնտեղ ենք անշուշտ, մերն է յաղ-  
թանակ—

Դէպի վեր, սարն ի վեր, անվեհեր զինուոր:





\*  
\* \*

Հաւատում եմ—մեռնելու չէ սուրբ գաղափար,  
եւ անմահ է, որ մեռնում է նորա համար.  
Հաւատում եմ—չկայ ոչինչ յաւերժական,  
Բայց սուրբ գործի ոյժը գիւթիչ՝ չունի վախճան:  
Մի վհատիր, յառաջ գընա՛, անբաղդ եղբայր.  
Թող խորտակուի բաց ովկիանում նաւդ հողմա-  
վար,  
Թող զայրանայ գլխիդ մրրիկ անեղաշունչ  
եւ մոլեգին կլանէ յորձանք դիդ անմոռնչ . . .  
Բայց հաւատա՛, դու չես յաղթուած, ոչ ոյժն  
յաղթող—  
եւ նոր քաջեր կ'ենեն անշուշտ քեզ յաջորդող,  
եւ կը գրաւեն նոքա այն ափը ցանկալի,  
եւ նոր այնտեղ փայլը փառքիդ կը բորբոքուի:  
Թող աւերուի հայրենի տունն հիմնայատակ,  
Բայց քանի հուրն առկայծում է գեռ մոխրի տակ,  
Նորա կորուստն, սհ, մի ողբալ դու սգաւոր—  
Իբրեւ փրկելի նա կը յառնէ անշուշտ մի օր . . .

— ❦ —

Ն ՈՐ Գ ԱՐ ՈՒՆ


Քեզ ըստասող չըմբնաց,  
Ո՛ւր ես գալի, այ գարուն.  
Գովքդ ասող չըմբնաց,  
Զուր ես գալի, այ գարուն:  
Սև-մութ պատեց աշխարհին,  
Սար ու ձոր գառան արին,  
Մեզ վայ բերեց էս տարին—  
Ո՛ւր ես գալի, այ գարուն:  
Բիւլբիւլը գայ՝ թող ձէն տայ,  
Էլ ո՛վ սիրտի քեզ խնդայ,  
Էլ ո՛ր սիրտը կը թնդայ—  
Զուր ես գալի, այ գարուն:  
Բիւլբիւլն եկաւ՝ վարդ չունի,  
Ծաղկոցը կայ՝ զարդ չունի—  
Էլ ո՛վ ա որ գարդ չունի—  
Ո՛ւր ես գալի, այ գարուն:



Դու ետ բերիր հաւքերին,  
Ո՞նց տէր ըլնեն բըներին,  
Սաղ տեղ չկայ մեր երկրին—  
Զուր ես գալի, այ գարուն:

Աշուղի բերանը փակ,  
Սաղ—քեամանչէն փակի տակ,  
Սիրան ա էրուում խնկրակ—  
Ո՞ւր ես գալի, այ գարուն:

Քեզ ըսպասող չըմընաց,  
Զուր ես գալի, այ գարուն.  
Դովքդ ասող չըմընաց—  
Ո՞ւր ես գալի, այ գարուն:



### Ա Շ Ո Ւ Ն

Արևը վերջին անգոր շողերով  
Ոսկեզօծում է կատարը լեռան.  
Կանգնած է անշարժ անտառն անխռով.  
Զէ լսուում արդէն ճռուողը ծիծռան . . .  
Չորս կողմս եմ նայում. տեսնում եմ ահա  
Երբեմն միայն մի տերև գեղնած  
Գլորուում է տխուր ցուրտ գետնի վերայ,  
Լսուում է նորա շրշիւնը մարած:

Ա՛խ, այդ վայր թափուող գեղին տերևներ  
Սիրտս են զրաւում անտրտուն շ ողբով.  
Ինձ պաշարում են տխուր երազներ,  
Միաքս երկբայութեան սքօղուում է ամպով.  
Քո ծոցն եմ ձգտում, ո՞վ մայր—բընութիւն,  
Կամիմ հաղորդուիլ քո լուռ հանգստեան  
Վսեմ խորհրդին. չէ՞ կը գայ գարուն—  
Կրկին կըփայլի ժպտով մանկական . . .



Ինչո՞ւ կարող ես դու մահու քօղով  
Ծածկուիլ ու քնանալ անշուք ու լռիկ  
Եւ յառնել դարձեալ, երբ իւր ջերմ շողով  
Խաղայ ճակատիդ արեւ գողտրիկ:  
Իսկ մեզ՝ որ չունինք զգուանքը կենաց,  
Գրկում է շիրիմն անդա՛րձ, յաւիտեան,  
Եւ մեր առաւօտ, վշտով անցուցած,  
Անվերջ զիշերում առնում է վախճան . . .

Բայց սիրում եմ քեզ, հանգչո՞ղ բընութիւն,  
Դու մի այլ մահուան հանդերձ ես զգենում.  
Եւ իմ մէջ ուժգին եռում է արին,  
Երբ այդ սգաւոր պատկերդ եմ տեսնում . . .  
Զգում եմ բերկրած, գարսնդ յիշելով,  
Որ այդ ցնորք չէ, կայ անմահութիւն . . .  
Եւ գիրկդ եմ ընկնում, հոգիս անխռով,  
Քեզ կամիմ միանալ, ով մայր բընութիւն:



# Ն Ո Ր Տ Ա Ր Ի

Ես քնած էի: Խորին գիշերով  
Ահա քաղցր երազ. տեսնում եմ պայծառ  
Ծագել է արեւ ոսկի շողերով,  
Էլ չըկայ խեղդող այն մահու խաւար,  
Եւ սիրաբա թնդաց. «Ահա, ասացի,  
Փոթորիկն անցաւ, հասան վառ օրեր.  
Բաղդը մեզ բերեց ահա Նոր Տարի—  
Նոր այդ փրկութեան, հաշտութիւն և սէր» . . .

Յնորքըս անցաւ, երբ ես զարթեցայ.  
Տխրազին ամպեր երկինքը պատած՝  
Ծանրացան նորից իմ սրտի վերայ,  
Եւ հառաչեցի ես դարձեալ ճնշուած.  
«Ո՛վ անբաղդ երկիր, և այս Նոր Տարին  
Զբերեց պայծառ օրուանդ աւետիք.  
Կարօտ մնացիր գարնան արեւին,  
Ծուխի պէս ցնդեց երազըդ գողտրիկ»:





ԼՈՒՍԱՒՈՐՁԻ ԿԱՆԹԵՂԸ

Անցաւ եղբայր, մեր պարզամիտ մանկութիւն,  
Էլ հրաշքների չենք հաւատում մենք վաղուց,  
Եւ մեր աչքում չունին այլ ևս թովչութիւն  
Աւանդ հասած առասպելներն հինաւուրց:

Բայց մի զրոյց, որ սրբութեան զրոշմով  
Դարէ ի դար հասել է մեզ պապերից  
Եւ իբրեւ դանձ նուիրական խնամով  
Պահպանուել է մոռացութեան աւերից,  
Միշտ սրբազան ակնածութեան մի զգացում  
Եւ վեհ խօհեր յարուցել է իմ հոգում:

Ամէն անգամ երբ վերջալոյս ծիրանի  
Հանգչում է մեզմ Սրագածի կատարին,  
Եւ գերդ մանկան պայծառ աչեր գեղանի  
Աստղերն երկնից փայլ են տալիս կամարին,  
Նայում եմ ես և ըստասում, որ վառուի  
Մի այլ ճրագ ծերուկ լերան ճակատին:

Ոչ բնութեան ստեղծուած է այն հրաշալի  
Եւ ոչ կերտուած ճարտարարուեստ մարդկային,  
Այլ մի ուրիշ չնաշխարհիկ զօրութեան,  
Արարչութեան խորհրդաւոր մի գաղտնիք.  
Այն մեր հոգու լուսոյ ջահն է նուիրական,  
Ողջոյն ազգի կենդանութեան երաշխիք:

Եւ այդ ճրագն, եղբայր, անշէջ կլինի,  
Քանի վառող Աջն է մեզ միշտ հովանի:





\*  
\* \*

Աղագեազ բարձր սարին  
Ձին ա կիտուել կատարին.  
Սարի ճամբէք, բաց էլէք,  
Էթամ, հասնեմ իմ եարին:

Ա՛խ, իմ ճամբէն քարոտ ա,  
Սիրտս էրուած, եարոտ ա.  
Ղարբբի օրն ըլնի սե,—  
Աղիզ եարի կարօտ ա:

Եարիս տեսայ, լալիս էր,  
Լալիս, զլիսին տալիս էր.  
Ճամբայ տուէք, ա՛յ սարեր,  
Ձեռով արի՛ գալիս էր:

Էն ի՞նչ զուշ ա էն քարին . . .  
Սիրտս կաթում ա արին,  
Ա՛յ իմ թառլան, թե տուր ինձ,  
Թոնեմ, հասնեմ իմ եարին:



\*  
\* \*

Հայրենի տան ես ինձ տեսայ—  
Վառ գարուն էր խնկաբոյր.

Լողում էին երկնից վերայ  
Մանրիկ ամպեր ոսկեթոյր:

Մեղմիկ շնչում էր զով քամին,  
Ծառ ու ծաղիկ օրօրում.

Կարկաչահոս վտակներին  
Ծիծառն ողջոյն էր բերում . . .

Բայց այդ ուրախ բնութեան տօնին  
Մէկը չըկար՝ խնդակցէր.  
Մութ էր պատել մեր սրտերին,  
Թռչուն էինք բռնաւեր:





\*  
\* \*

Դարերով լացիլը, սով մայր հայրենիք,  
Եւ արիւնահոս վերքերդ ցարդ բաց,  
Անվերջ տանջանքիդ ահաւոր գազանիք  
Անարցունք աչքից պահում ես ծածկած . . .  
Մահամերձ հիւանդ՝ անփառք ապրեցար,  
Հալուում ես կամաց դու մոմի նման.  
Դու կայծեր տուիր, խարոյկ չունեցար,  
Գընում ես դէպի անխաչ գերեզման:

Մնացել ես լուռ, ինչպէս սև գիշեր,  
Մենաւոր ճամբորդ՝ շուրջըդ պիշ աչքով  
Նայում ես — արդեօք չե՞ն ցոլայ աստղեր,  
Խաւար անապատն ահեղ կայծակով  
Ձի՛ լուսաւորուիլ արդեօք առաջիդ,  
Ձի՛ իջնիլ հրեշտակ քեզ հովանաւոր՝  
Երկնագեղ դէմքին հաշտութեան ժպիտ,  
Ձի՛ վառուիլ արդեօք այգը փառաւոր . . .

Սպասում ես արդեօք, որ նիրհըդ մահուան  
Գայ թօթափելու որոտող երկին,  
Հովիտ ու ձորերդ արեամբ ծովանան,  
Որ վերքը սրբեն քո մաշուած կուրծքին.  
Թէ՛ պիտի մնաս դու յուսահատուած,  
Որ օրհասական ժամըդ վերայ գայ,  
Ողջակէզ լինիս կենդանի մեռած՝  
Բռնութեան զազիր սեղանի վերայ . . .





Մենք միասին դնում էինք ճանապարհ.  
Դու վաստակած՝ յանկարծ վնաս կանգ առար  
Եւ ասացիր. «Տես երկինքն էլ մթադին  
Գոռ փոթորիկ է պատրաստում մեր զլիւին»:  
Բարդ-բարդ ամպեր թող կուտակուին, թանձ-  
րանան,  
Ամպրոպ ճայթի, շանթեր փայլին մեր վրբան.  
Զվհատի՛նք, և միշտ յառաջ անվրդով—  
Գիտեմ, ընկեր, տեղ կը հասնենք արևով:  
Եւ մենք հասանք, անցանք դժուար ճանապարհ,  
Պահ մի կրկին արեն ելաւ ոսկէվառ.  
Բայց չխաբուիս դու այս փայլից կարճատև,  
Դեռ շատ փորձանք բազմը կ'հանէ մեր առջև:  
Կը զայրանայ, կը կատաղի չարութիւն,  
Եւ դէմ առ դէմ մենք կը տեսնենք թշնամուն.  
Նա սպառազէն և ահարկու, մենք՝ անզօր,  
Եւ մեր շարքեր կը հօսրանան օրէցօր:

Եւ կը խլէ նա մեզանից լաւերին,  
Եւ կը հասնեն սգոյ օրեր մեզ բաժին.  
Կը հալածուինք, կը տառապենք մենք երկար,  
Բայց և կ'ապրենք—մեռնելու չէ սերմն արդար...  
Բեղմնաւորուած անկածների արիւնով՝  
Երկիրն էլի պտուղ կը տայ երկունքով.  
Ժամը կը գայ, կը դադարի փոթորիկ,  
Եւ յաղթութիւն կը վաստակեն մեր որդիք:



# ԱՐԾԻՒՆ ՈՒ ԱՐՏՈՒՏԸ

Արծիւը կանգնած սև ժայռի գլխին  
Հանգիստ ու հպարտ նայում է չորս դին.  
Ցածն ամպեր ճերմակ լողում են ձորում,  
Վերևում վճիռ եթերն է ծորում:  
Եւ ձիւնազագաթ լեռների արքան  
Չորս դին է նայում, ասում ինքն իրան.  
«Ինձնից բարձր էլ ով կարող է սլանալ,  
Այս վեհ բարձունքին ինձ պէս տէր դառնալ»:  
Ցանկարժեք երկնքի անհուն կապոյտից  
Անոյշ ճռուղիւն հնչեց բերկրալից:  
Արծիւն ահաւոր նայեց դէպի վեր,  
Տեսաւ՝ ոյժը չէ աշխարհին միշտ տէր.  
Արտուտը փոքրիկ մինչ երկինք հասած,  
Արևի ոսկի փայլովն ողողուած,  
Գովքն էր գեղգեղում կենսաբեր գարնան,  
Մահամերձ երկրի օրհներգն յարութեան:

\*  
\* \*

... Ասում ես, եղբայր, թէ զուր ենք սպասում,  
Թէ խորտակուեցան արդէն մեր յոյսեր,  
Վերջին փոթորկի թէ ձայնն ես լսում  
Եւ հայրենի տան տեսնում ես աւեր:  
— Շէն չէ երևում ինձ էլ նա բնաւ,  
Բայց և աւերակ ես չեմ համարում.  
Չեմ ասում, թէ մեր վերջին ժամն հասաւ,  
Եւ էլ տեղ չունինք մենք այս աշխարհում:  
Քանի չէ մարել օջախի կրակ,  
Տունն էլ է կանգուն, տան տէրն էլ կենդան.  
Էլ չկան բոցեր, բայց պաղ մոխրի տակ  
Կայծերը երկար դեռ պիտի մընան:  
Կը գայ ժամանակ, սիրով կեանք կը տանք  
Ու կը բորբոքենք մենք հուրը թաքուն,  
Եւ դու կը տեսնես չքնաղ ապարանք  
Այնտեղ, ուր հիմա տեսնում ես աճիւն:



\*  
\* \*

Լուռ կաց, սիրա իմ. այս աշխարհում  
Դարդ իմացող չես գտնի.

Մեզ պէսներին ջուրն է բերում,

Ջուրն էլ մի օր կը տանի:

Գետի երեսն ընկած տաշեղ՝

Մենք դնում ենք հա առաջ.

Հանգիստ չունինք և ոչ մի տեղ,

Լսող չկայ մեր հառաջ:

Լուռ կաց, սիրա իմ. ուրիշներին

Ափսոս է մեր ցաւն յայտնենք.

Դարդն ընկեր է մեզ անմեկին,

Մինչ գերեզման կը տանենք:

❖❖❖

\*  
\* \*

Լուսնակ գիշեր, անքուն գիշեր

Դարդիս հետ եմ ես մենակ,

Սե երազներ, սե-սե յուշեր

Հոգիս արին աւերակ:

Ում որ եղբայր անուանեցի,

Ինձ թշնամի իմացաւ,

Եւ ես ամուր պատանեցի

Շիրիմ-սրտումս իմ սե ցաւ:

Ս'իս, և մեռել, և կենդանի՝

Ոչ ելք ունի, ոչ վախճան.

Դարդս էլ ուրիշ անուն չունի—

Կեանքիս ընկերն անբաժան:

❖❖❖



\*  
\* \*

Ա՛խ, իմ անոռչ, ոսկի օրեր,  
Երազի պէս դուք անցաք.  
Ինչպէս տաւղի քնքուշ լարեր  
Ձայն տուեցիք ու անցաք:

Հանգաւ իմ խանդ, սէր ու աւիւն,  
Սիրտըս թօշնեց զերդ ծաղիկ.  
Խլեց ինձնից մոռյլ աշունն  
Իմ անուրջներ գեղեցիկ . . .

Ու միայնակ, օր ու գիշեր,  
Վիզըս ճըկած բեռիս տակ,  
Ձեզ եմ յիշում, անոռչ օրեր.  
Ա՛խ, այս ի՛նչ շուտ դուք անցաք:

\*  
\* \*

Օրը մթնեց, ճամբէս երկնր . . .  
Ուժերս հատան, ես մենակ.  
Ա՛խ, ո՛ւր ես դու, այ անջիգեար,  
Ինձ ո՛ւր թողիր մեն-մենակ:

Քո ճամբէն եմ բռնել գալիս —  
Դու փախչում ես, անգութ եար.  
Էլ ի՛նչ ես ինձ նշան տալիս,  
Ի՞նչ ես քցում քարէքար:

Սրիս անցաւ. սիրուդ համար  
Սիրտըս էրուեց անկրակ . . .  
Ա՛խ, դու անուշ իմ երսփ եար,  
Ինչո՞ւ թողիր ինձ մենակ:




\*  
\* \*

Ժպտում են ինձ այդ աշերըդ պայծառ,  
Եւ հոգումս նորից ծաղկում է գարուն.  
Մատաղ երազներ, իղձեր բոցավառ  
Յուզում են դարձեալ իմ սառչող արիւն:

Եւ քո առաջին, որպէս պատանի  
Անտորձ ու երկչոտ, սիրով երկիւղած,  
Աչքերըս յառած դէմքիդ զեղանի,  
Հմայքիդ գերի՝ մնում եմ կանգնած:

Ի՞նչ ես դու բերում իմ տանջուած սրտին,  
Ո՛վ կոյս հրաշագեղ, իմ հրեշտակ սիրուն.  
Ձէ արդեօք այդ նոր մի պատրանք կրկին,  
Սիրատենչ հոգուս մի նոր փորձութիւն.



\*  
\* \*

Արի, ընկեր, արի՛ ողբանք միասին,  
Թող ուրիշներն ուրախ ասեն ու խնդան.  
Արցունք միայն բաղդը տուաւ մեզ բաժին,  
Չարչարանքով տոկալ մինչև զերեզման:

Այս է թերեւ անգութ օրէնքն աշխարհի . . .  
Մենք ցաւերով միտեղ ընկանք ճանապարհ.  
Վայր էլ ընկանք, վեր էլ կացանք, բայց արի,  
Բայց աննկուն մնաց մեր հոգին վշտահար:

Այսօր խոնջած, հիւժուած մարմնով կէս ճամբին,  
Մեզ սիրտ տուող պայծառ առաջին նայելով,  
Մնացինք մենակ մեր վշտի հետ անմեկին,  
Եւ այրուում ենք անգօր, անշահ տենչերով . . .

Մեզ համար չէր կեանքի բարիքն ու խնդում.  
Մշակ էինք, այդ էլ մնայ մեզ բաժին —  
Դարձեալ յառաջ, անմխիթար ու արտում,  
Բայց ձեռք ձեռքի՛ յառաջ գնանք միասին:





\*  
\* \*

Ի՞նչ գիշեր է հրաշագեղ, ասողալից ու բու-  
րաւէտ.

Պայծառ լուսինն երկնքից ժպտում, խօսում է  
ինձ հետ.

Խաղաղութիւն ամէն տեղ. ո՛չ մի շշուկ, ո՛չ մի  
ձայն . . .

Երազներ են երամով ինձ այց գալիս լռելեայն  
եւ խըռովում են հոգիս, ալեկոծում ծովի պէս —  
Ա՛խ, իմ դարդերն՝ ամենի կոհակներ են դէզադէզ:  
Գարնան չքնաղ ջերմ գիշեր, սիրոյ գիշեր հեշ-  
տագին . . .

Ողբում, հեծում է, անքուն միայն տանջուած  
իմ հոգին.

Օրս սեցաւ վաղաժամ, թե են առել սև յուշեր,  
Այրում է ինձ անկրակ կախարդական այս գիշեր:  
Ա՛խ, իմ իղձեր, վառ իղձեր, իմ անուրջներ  
վաղեմի,

Ձեզնով էր կեանքն ինձ համար գեղեցիկ ու  
սիրելի.

Ձեզ եմ ուզում կարօտով, սիրաբաւ վառէք դուք  
նորից,

Մի անգամ էլ թող որ լամ արաստուքով բերկ-  
րալից . . .

\* \*  
\*

Երբ խոր գիշերով, ցուրտ անկողնիս մէջ,  
Քունը իմ աչքից հեռու է փախչում.  
Եւ հոգուս վերայ սև յուշեր անվերջ  
երկանի նման ծանրանում տրտում,

Երբ մեղամաղձոտ աշնան երկնքի  
Պղտոր լուսնեակն էլ մարում է իսպառ,  
Ու պատերը մութ իմ խեղճ սենեկի  
Գրկում ինձ, ինչպէս մի շիրիմ խաւար, —

Թուում է ինձ, թէ հեռու, մենաւոր  
Գերեզմանի մէջ դիակ եմ անշունչ,  
Բայց երազում եմ, թէ դու անմոռնչ  
կանգնած ես կողքիս լսիկ, սգաւոր,  
Եւ ջերմ արցունքիցդ, հոգեակ իմ անգին,  
Ես յարութիւն եմ առնելու կրկին:



\*  
\* \*

Ապրել ու տանջուել, ապրել ու տոկալ,  
Լուիկ, միայնակ, անյոյս, անխնդում,  
Միշտ էլ հալածուած բաղդից ոխակալ,  
Գերի աշխարհումս, ինչպէս մութ բանտում...

Օրէցօր հալուում մեղրամոմի պէս,  
Հատնում են ոյժերս, և խանդ, և աւիւն.  
Մանուկ իղձերիս եմ կարօտում ես,  
Էլ բացուելու չէ ինձ համար դարուն:

Եւ սիրտըս, որ մի տաւիղ էր անուշ,  
Հնչում էր, որպէս կարկաշուն աղբիւր,  
Ա՛խ, այսօր բեկբեկ լարերը քնքուշ,  
Մահու գրքոյմով լուել է տխուր. . .



# Ի Մ Մ Ո Ւ Ս Ա Ն

Ես միամիտ մանուկ էի տակաւին,  
Հոգիս ցնցեց գողտրիկ մի ձայն երկնային.  
Մենութեան մէջ չնաշխարհիկ նուագից  
Ես արթնացայ և, իբրեւ նոր կապանքից  
Ինձ զգալով ազատուած,  
Ելայ նորան որսնելու, այն դիւթին,  
Որ մանկական ցնորքներիս մէջ մթին  
Պատկերացաւ մի աստուած:

Եւ միգապատ երկնքի տակ հիւսիսի  
Տեսայ նորան, որպէս չքնաղ դիցունհի,  
Երագիս պէս հրաշագեղ ու անմարմին,  
Համակ ճաճանչ, համակ հրապոյր անմեկին:  
Անոյշ ձայնով դիւթական  
Նա ինձ կոչեց, նա ինձ տարաւ դէպի կեանք,  
Դէպի մի սուրբ, նուիրական աշխատանք,  
Ազնիւ պայքար անվախճան:



Եւ շշնջում էր ականջիս մեղմագին  
Իւր սրտառուէ խորհրդաւոր մեղեդին  
Անձնանուէր սիրոյ մասին ու գործի,  
Վեհ տենչերի ու խանդավառ իղձերի:

Եւ բերկրութեամբ ես նորան  
Հետեցի հլու, որպէս սիրահար,  
Եւ նորա երգն ընտանի էր ինձ համար,  
Ինչպէս օրօր մայրական:

Եւ սրտիս մէջ ասեա վարդեր ծաղկեցին ...

Եւ ոգելից ես երգեցի հեշտագին

Ազատութիւն, սէր ու արև և զարուն

Եւ քրտնաթոր աշխատանքի վեհութիւն:

Անցան տարիք, և այսօր

Մղում են ինձ կեանքի ալիքն յորձանուտ,

Գլխիս վերայ բարդ-բարդ ամպեր սև ու մութ

Կուտակուած են ահաւոր:

Ու չքացան իմ երազներ վաղեմի...

Եւ միթէ ինձ դու, իմ կեանքի գիցուհի,

Այսպէս ցայսօր պատրում էիր սիրելով,


Որ պահեցիր աչքս սքօղած ցնորքով...

Սիրտըս խոցուած կարեւելր,

Ձեր կարօտով միթէ իջնեմ գերեզման,

Ախ, ուր էք, ուր, հոգւս գարնան ծիածան,

Իմ ոգեշունչ երգ ու սէր:





ՀՀ Ազգային գրադարան



NL0348758



39426

